

Zastupnik: Senad Hasanović

Broj: 93/22

U Sarajevu, 15.03.2022. godine

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
VLADA KANTONA SARAJEVO
MINISTARSTVO UNUTRAŠNJIH POSLOVA
KANTONALNA UPRAVA CIVILNE ZAŠTITE
DIREKCIJA ZA ROBNE REZERVE KANTONA SARAJEVO**

PREDMET: ZASTUPNIČKO PITANJE

Poštovani,

na osnovu članova 106. i 213. Poslovnika Skupštine Kantona Sarajevo („Službene novine Kantona Sarajevo - Drugi novi prečišćeni tekst br.: 41/12, 15/13, 47/13, 47/15 i 48/16) upućujem zastupničko pitanje:

Imajući u vidu složenu sigurnosnu situaciju u Evropi, te intezivno izvođenje ratnih operacija relativno blizu teritorije Bosne i Hercegovine i Kantona Sarajevo, da li nadležne službe poduzimaju specifične preventivne aktivnosti u cilju zaštite civilnog stanovništva i osiguranja dovoljnih količina osnovnih životnih namirnica?

Da li se poduzimaju ili planiraju poduzeti aktivnosti na edukaciji stanovništva, pripremi i obezbjeđenju neophodnih materijalnih sredstava u cilju zaštite ljudi, vode za piće, hrane i dr. a u slučaju radiološke, hemiske ili biološke opasnosti?

OBRAZLOŽENJE:

Svjedoci smo velikoj zabrinutosti građana za vlastitu sigurnost, čak i određenih aktivnosti pojedinaca koje su uvjetovane strahom, neznanjem ili nepovjerenjem u institucije vlasti da mogu obezbjeđiti određen nivo sigurnosti u slučaju ratnih dejstava ili određenih akcidentnih situacija.

Primjetna je doza straha kod građana što rezultira paničnim kupovinama osnovnih životnih namirnica, energenata ili lijekova, čak i specifičnih lijekova koji se koriste u liječenju posljenica radiološkog zračenja a čija upotreba pa i nabavka bi morala biti pod nadzorom ljekara.

Smatram da nadležne institucije trebaju poduzeti aktivnosti prije svega u cilju informisanja građana, jasnom predočavanju mehanizama kolektivne i individualne zaštite, te vraćanja povjerenja građana u institucije.

Molim pisani odgovor.

Zastupnik u Skupštini Kantona Sarajevo
Senad Hasanović